



樗軒集

乾

^ 16
2363
1



2368
/-2

樗軒集卷上

贈送倪謙司馬詢兩先生還京師

鳳詔初頒鳳曆新
仁風吹動及東濱
中原父老謳歌日
萬國山河雨露春
杖屨陪來偏有分
珠璣落處訝傳神
早聞形勝錢塘最
毓秀生賢果有人

涑水淵源派不窮
明公才調繼高風
功收題柱心懷壯
賦就凌雲氣槩雄
事業已居當世右
聲名可數古人中
君歸經幄有餘暇
肯誦蕪詞憶海東

聞憲府見忤政府被覈奉簡執義金敬甫

禮蒙

巍巍相府理陰陽
凜凜烏臺振紀綱
大小相維為體

統君臣共濟是明良
但將吾道行如矢
肯惜殘軀學括囊
莫向人間道
夷險摧車不必在羊腸

世宗挽詩二首

宿昔升玄德
謳謌屬聖人
千齡開景運
萬物入洪鈞
創始規模正
光前道學純
至仁天與大
神化日維新
玉帛通中國
梯航達四隣
儉勤卑禹室
和樂燕周親
誠敬寧時恫
馨香致克禋
有賢皆是瑞
無寶以爲珍
一介樗蒲質
十年雨露春
忍看龍馭動
揮淚望蒼旻

又

蒸哉我元后
千載應河清
郁郁周文盛
巍巍舜日明
父臨敦撫育
天覆洽生成
黎庶游熙皞
邊庭息戰爭
鳳儀新雅樂
麟趾設宗黌
興入朔城遠
田歸夏賦平
垂衣三紀治
騰頌萬家聲
至德終難諉
神功未易名
虞朝音遽遏
祀國柱初傾
無計攀髯去
蒼茫涕雨零

漢江水漲

見輿地勝覽

濛濛二儀風
雨積千山萬壑波
濤拆江水瀕洞無垠
塲篙師津吏相錯愕
彼小舠兮空岸泊
摧檣朽楫何
以托嗚呼
安得萬斛之長舟
衝風駕浪如箭疾
飄然

利涉曾一瞥

八駿圖詩并序

臣竊惟天道之流行也雷霆以動之雨露以潤之造化不測而所以爲之不過曰養萬物耳聖人之作興也賢俊以輔之兵革以靖之神武莫敵而所以爲之不過曰救萬民耳天之養萬物無所不至而物不能與其功然乘雲噴雨膏澤庶類龍之用也聖人之救萬民無所不至而物不能與其功然超危歷險服勞一時馬之用也易之乾曰飛龍在天坤曰牝馬之貞以此也天用莫如龍地用莫如

馬天之澤萬物不能不托於神龍之用則天爲萬民而生聖人曷不生此駿馬以贊其功也哉惟我太祖以神聖之資當麗運之季應順天人征討四方搶攘之際效力輸功奇偉不凡其駿有八噫天之瑞我 聖祖豈無麒麟鳳凰之異也嘉禾芝草之祥也必以是焉其天佑 聖人付畀大業錫其非常之物而必以有用之材眷佑之隆於此益可見矣恭惟 聖上運撫熙洽不忘創業之艱難遂命作圖著贊垂諸罔極其所以顯揚 聖祖配天之烈而爲億萬世持守盈成之戒者嗚呼至哉

臣職叨載筆伏覩盛事不敢以文拙辭謹拜手稽首而獻詩曰

憶昔高麗季漠然王氣衰邦家方杌隍黎庶政瘡痍
妖霧聯雙闕驚塵暗四隄皇天方厭亂 聖祖自膺
期德協三千衆忠扶五百基北驅沙塞靜南顧海波
夷大義軍初返羣凶劔一麾攀鱗多俊傑奮鬣亦權
竒霜白邑純潔雲橫光陸離逸蹄凌電發猛質迴風
追趨迅如犇豹猩獐是老獅麟青何躡躡龍紫夏駸
駸際會誠非偶應將必有爲爲捨攘暫靡蹶跋涉屢超
危服力人無異論勛理所宜恭惟熙洽運緬想創垂

時著贊詔文士圖形命畫師斯須展綃幅煥赫起蛟
螭凜烈精猶活軒昂勢欲馳癡痕雜成錦慘愴細入
錐百戰功留跡重瞳日在茲弊惟恩既厚朽索戒常
持豈爲當今玩耍傳後世知迺臣才鄙拙再拜獻蕪

詞

世傳英廟丁卯秋設重試策問一道入格
二十餘優等有八考官難於高下稟定科次
或賦或詩銘頌任從所製成謹甫曰此庭可
畏莫如李某某草長短十許句來問擬做甚體
公曰箋矣成微晒曰絺繪對耦是老儒事君
亦效諸我則如是出草相示且求見頭聯有
曰天佑作之若聖人應千齡之運地用莫如
馬神物效一時之能笑曰對則精矣但此不
對吾君不幾於褻乎恐非臣子所可道此不

可傳也夷然而去公於是改製長律成矚知
之用其聯製箋以進榜開成占壯元公第七
他皆箋銘頌而申泛翁以賦居四或曰詩於
衆體其格最下云未知是豈朝公隨例謁
拜於成曰此膝不相屈於人久矣成曰我能屈
不屈人之膝相與胡盧至今盛傳爲斯文劇
談策見後集又成三問金淡
申叔舟及公策俱送入乙集
有感時相鄭萃以三朝元老佐幼主不能
輔導德義以土木相尚癸酉六月昌德宮
殿成民力大困或有言者則
曰當今太平舍此無餘大事

經濟 三朝一老臣廟堂深處儼垂紳當年事業人
休問神殿神宮不日新

炎天六月汗如流誰念嗷嗷萬姓愁舊穀已亾新未
獲朝飡難繼夕仍休才聞役鼓雷霆振俄見神宮雲

漢浮自是當今太平事傍人慎莫道民憂

秋日有感 見文選

萬事傷心不自由荻花楓葉鴈飛秋側身天地長爲

客回首關山漫與愁雲斷遙岑天一作渺渺風吹落

木晚颼颼此中襟抱向誰盡滿把寒花恨轉悠

妾薄命 有一女妙年自時艷麗不肯嫁及色
衰欲嫁之而不滿其意終寡居焉

妾薄命妾薄命妾命何甚薄憶昨十五兒女時雲鬢

雪膚顏如玉粧成宛轉照青春青春桃李無顏色金

鞍玉勒美少年幾人腸斷空送目千媒萬理不領頭

重身不啻連城璧秋風颯颯吹一夜一夜菡萏盡凋

落不知此時我何人追思昔日復可得人昔求我兮
我不欲我今思人兮人不樂嗚呼可奈何歲月如流
頭已白

張良

嬴秦虎踞伯圖雄席卷山東六國空邂逅故人從圯
下蹉跎一作生平大事誤沙中一言自足欺商老百戰元
非為沛公霧捲烟消今古異赤松佳會動高風

韓信

宇內風塵壯士孤王孫莫保千金軀漂中寧負一食
報胯下曾如四體無舉足分明輕重地到頭迷失死

生途封齊當日已烹犬犬吠堯時亦是愚

呼耶歌

癸酉年間土木大興
見文選

呼耶呼耶在南北呼耶之聲何時息千人輸一木萬
人轉一石華山之石拔幾盡白雲之木斫幾秃石盡
山秃寧可虞填坑什谷民可惜民可惜誰能識惡卒
播督如電擊朝未食夕未飡可憐腰間空垂橐猶唱
呼耶口吻燥口燥喉啞聲難作聲衰力盡一僵仆塵
飛一作輕塵濺血萬人足我願天公生大材不置山林置
君側作我堂堂大厦之柱石不勞萬姓力不為萬姓
瘼莫使呼耶在山谷

鷄林玉笛

鷄林舊物一玉笛玉笛不知何代作聞說新羅太平
日太平風月在絲竹俗聲猶嫌渭川竹命匠斲得藍
田玉磨礪潤澤生雲烟巧攢六孔星錯落試向江邊
厭一指一作江波濤沆瀣蛟龍躍夏向山中送一聲
一作山谿谷振搖山石裂和絲調曲諧宮商融融切
切發哀樂爾來一作相傳幾百歲當時萬物皆寂寞
可憐鬼物煩守護至今傳者惟此笛君不見金昆玉
友綺羅筵憂憂清聲定場屋千杯萬觴辭不得又不
見驪駒曲終離亭畔嫋嫋哀聲惱胸臆欲歸未歸空

嘆息

一本

見草藁及
輿地勝覽

鷄林玉笛聞宿昔且問玉笛何代作聞說新羅太平
日太平風月屬絲竹竹聲猶嫌渭川俗命匠斲得藍
田玉磨礪細膩光潤澤巧攢六孔星錯落和絲調曲
諧金石憂憂長聲定場屋當時萬物皆烟滅至今存
者惟此物無乃鬼物煩守護直傳之永久完無缺我欲
疑思謔一曲曲且不成詞亦拙君不見岐山石鼓久
埋歿昌黎老韓謔獨發

題淳昌觀政樓二首

時封王妃肆赦
生賫教布于全羅

湖南春日興悠哉處處樓臺花正開溪水清光侵坐
冷南山翠色近人來使君早著王喬履客子頻逢素
紹杯却笑仲宣何事賦娛遊此地不知回

一札鷄書降紫宸大哉天語若絲綸二南風化
乾坤泰千里關山雨露新公道有如昭白日仁恩
直與布青春驅馳役役慚無效到處郊迎禮使臣

次潭陽東軒韻

時調民
間宿債

阮子何爲哭道窮湖南千里醉醒中絲綸一札天
恩厚誰見民間賦小東

次淳昌東軒韻

春日春花處處開風流學士此時來但將仁澤布
南海遮莫人言不早回

題長興南新樓

危樓新創綺筵開秩秩嘉賓灑灑杯玉椀香芹碧絲
軟珠盤銀膾雪花堆悠悠雲過謠聲動颯颯風來舞
袖回趁取良辰須盡醉兩餘春日景佳哉

次順天宣化樓韻

行行歷遍幾名區清景吾將數此樓朝暮山顏雲不
盡古今人事水同流須看欲別青蛾恨莫厭傷多綠
蟻浮夏覺吏情遊最晚重來不識復何秋

次光州喜慶樓韻

古號復今日新樓鎮一鄉遙連山翠色俯捉水清光
花薰娟娟淨杯心灑灑香少年行樂處謔舞袖垂長

題崔直提學

德之存養亭

存吾心兮養吾性天君泰然兮百體從令無求於世
兮樂夫天命逍遙一亭之間兮尚友乎古之賢聖入
有兒孫奉晨昏兮出有友朋可與鴈詠嗚呼先生兮
名之垂者蓋永

次全州東軒韻二首

萬景億景山勢竒蟠根高厚等丕基雲烟靄靄垂千

古松柏蒼蒼貫四時塊扎乾坤扶玉殿昭回日月照

金卮微臣稽首空瞻仰 聖德難名一首詩

山近高軒翠障橫坐來清景愜幽情雲淡桑柘千年
地人老鳶魚百雉城閒事春花迎客笑驚心野鳥嗅
愁生他鄉不覺故鄉遠夜夜無端夢漢京

次全州鎮南樓韻

湖南初見鎮南樓六月還疑八月秋喬木深根蟠地
老古城佳氣際天浮身微不足容三尺意豁猶知隘
九州半日登臨有餘興來遊不識是遐陬

筵上卽次監司韻

完山今日故人三邂逅相逢盛宴叅召伯棠陰春已
早楚王宮畔興初酣盤中白雪堆魚膾案上黃金劈
乳柑飲盡千杯萬杯酒平生行樂數湖南

客欲歸辭

日欲西雲欲飛湖南千里客欲歸湖南故人多情思
追隨雜遝挽我衣青蛾皓齒舞細腰簫管擊噪干雲
霄鸞騰鳳翥玉樹標忘形爾汝金蘭交觥籌交錯相
紛綸方丈滿案羅著珍人生得意須盡歡且莫匆匆
負良辰回望長安路迢迢長安陌上多麗人麗人苦
篋應傷神堪笑欲歸未歸空逡巡

題寶城東軒

特薦朝賢廟議公爲醫民瘼屈英雄桑麻百里雲烟
暗桃李千株雨露濃鸞鳳豈宜栖棘上蛟龍終不在
池中莫嫌斗米輕腰折留與閒吟萬古風

題咸興新樓

危樓峽岫壓關東地拆城南眼界通畫棟朱簾雲雨
裏青蛾皓齒管絃中檻前江水兼天碧簷下葵花向
日紅形勝不須論梗槩千年佳氣滿蒼空

次咸興憂民亭韻

才調多慚李謫仙風流自擬杜樊川一登亭上臨無

地始信人間別有天日暮汀洲垂雨脚秋深尊酒聳
詩肩寄言莫恠頻來往且見山雲斷復連

奉贈咸興少尹李公宗謙

亞尹先生是我師發蒙三傳自髻垂斯文一字恩難
報此日千杯醉敢辭人欲別時情更重客忙歸處路
還遲秋風堪賞不堪近笑殺離筵無限思

次洪原東軒韻

洪原俗頑守令未有承召者惟柳公季孫政最秩滿拜成均直

講

洪原設邑問何年地僻人頑自古然民草已從風草
偃政聲應與水聲傳九重昔日飛雙鳥六載今朝失

二天誰勒豐碑銘八馬莫言人世有貪泉

次高原東軒韻

本粟來二絕句韻今通押作四韻長句

居民百里相連屋耕鑿無知惟食粟日暖穩眠籬下
厖春溪健走田頭犢川流袞袞抱州回山勢岢岢控
海來到處相逢皆故舊誰將阮眼與吾猜

次珍島東軒韻

以下全羅監司時作

南涯莫恠卜城基地僻民醇俗易治傍路却疑探禹
穴凭軒方覺近咸池秋深氣暖花猶在天霽雲濃雨
欲垂憶昔幾年荆棘地自多生遇 聖明時

次順天宣化樓韻

本燕子樓韻樓燬移樓韻于宣化樓有當時賓客休嫌老

樓上佳人亦白
頭之句故云

燕子不來宣化樓
惟餘燕子語悠悠
白頭往事真堪
笑今日重來尚黑頭

次順天東軒韻

府古有八馬碑壁上
詩韻多及之故云

雲飛鳥沒物華移
千載高風想一時
遺跡會看清士
傳無勞徒倚訪豐碑

右

客裏頻驚節序移
功名謾負少年時
生平陸陸底成
事愧殺山阿問古碑

除夕次南原東軒韻

他鄉持節最為艱
漸覺龍鍾減舊顏
對吏紛紛勞案牘
尋郵役役慣雲山
醉醒天露三杯後
今古年分一夜間
可是同懼盡同契
須憐此夜暫時閒

復次光州韻

去歲曾遊處重來
卽故鄉樓臺迎客興
天地遍秋光
竹與詩聯碧花兼笑語
香觀風問何日時
復引杯長

右

憶昔鑾坡雨露邊
偏承聖澤已多年
此身定在龜
毛地行處還同鶴
背天馬上奄經三四月
囊中賸得百千篇
湖南景物真無賴
觸忤鄉愁到眼前

次趙掌令林亭

趙公攷久流落今始奉使而來奉慰家亭因次韻

昔聞西蜀子雲亭今見依然壓小庭
此日村童駭玉節幾年荒徑落文星
水流四面回襟抱山勢南來作
畫屏遮莫傷人笑狂態更添杯酒醉忘形

次茂長亭上韻

問昔何時構此亭亭前風月正雙清
野外浮烟和柳暗雨餘殘照漏雲明
貌貅好逐桑麻圃琴鶴稀聞鼓
角聲卽欲拈書買弓矢詩成深愧強儒名

次康津萬德寺萬景樓韻

萬景高樓上朝來海氣清
風帆搖塔影暮島隱鍾聲

講榻蜻蜓立禪窓翡翠鳴
暫時投佛日亦足洗塵情
榮枯身外過寒暑客中分計絕
尋黃石時從點白雲
風搖心緒亂霧著眼花昏苦
乏剗煩手陳編案上紛
次光陽韻奉寄集賢諸僚

一片孤城枕海陽絕勝楊柳綠
陰涼湖南信美非吾
土夜夜無端夢玉堂

次光陽南樓韻

一上孤城海上樓不知雲路有公侯
千山錦障楓林晚萬戶黃金橘樹秋
風景與人成邂逅宦遊隨處故
淹留寄言莫笑顛狂醉一酌能消萬斛愁

次樂安東軒韻

世事糾紛日日新
客中愁緒苦纏身
早師尼父從吾好
肯借靈氛卜我辰
億載鴻圖歸聖主
四朝經幄備文臣
即今睿澤何由報
燕石當年久混真

右郡別號浮槎板上
有河東鄭相國韻

兩餘春日物華新
遊宦還疑世外身
剖橘幾人逢老叟
乘槎何處動星辰
經營太守縉紳子
風詠名儒社稷臣
盤錯即今無利器
淡慚黔技露吾真

次古阜東軒韻

聞道仙丘弱水流
却疑瀛島到無由
雲濛喬木千年

地城重雄州萬戶侯
欲寫幽懷頻引酒
每尋佳景喜登樓
四方弧矢男兒事
何恨年年作遠遊

次寶城東軒韻
前春與鄭侯軾敬瞻
遍歷南州今來禮貌
相隔似非前日遊
故

云

風光猶昨日遊賞
異前時霜雪餘
彭澤雲烟捲習池
長川流歲促垂柳
縮春遲太守多遺愛
誰銘墮淚碑

右

幸尋佳麗地行樂
太平時宿霧濃含
雨盤渦巧作池
花迎人意發春帶
鳥聲遲往事雲隨
盡清風萬古碑

次長興東軒韻三首

當時鄭相國前代李韓山事業誰居右吟詩久不還
右

古邑千年地雄藩萬戶城風光成邂逅來往一儒生
右

大野連南海孤城控北山閒雲朝復暮遊客去仍還

次海南南樓韻

他鄉爲客雪渾頭欲展幽懷喜上樓處處春花自開
落雙雙水鳥任沉浮醉中風月三千首夢裏關山五
十州詩酒生平驅使在悠悠日日興難收

次靈巖東軒韻

湖南形勝郡爲多休道春光阻海涯巢燕含泥歸院
宇時鷄穿竹走村家勻垂翠線和烟柳細濕紅粧著
雨花行樂有餘王事少難將原隰賦皇華

次羅州撫夷樓韻

自憐頻賦仲宣樓何恨難封李廣侯正似壺中間日
月不知皮裏有春秋林花著雨紅仍落籠竹和烟翠
且浮來不由人去由意一身行止自休休

次光州東軒韻

無數白雲飛上岑倚欄遙望盪胸襟階花雨後一作過
枝枝色山鳥春來種種音秉燭最宜酬景物揮戈難

得駐光陰卽今百慮俱灰滅方寸惟餘戀 主心

次全州東軒韻

一州形勝足奇觀萬景高臺萬疊山遊宦于今有幽趣掛冠何日戴黃冠

右

始來前日菊初黃重到今春草自長役役犇馳無箇事引杯聊欲賞辰良

次葵樹驛樓韻

客中身倦喜登樓半日閒吟興未收春鳥不知遊子意哀鳴喚起故鄉愁

右

分明郵吏至今傳莫道頑愚物獨偏古樹蕭蕭春寂寂當時奇事已茫然

次昌平東軒韻

迺於己未始經營越至庚申己告成剏物使君謀遠大當時民庶自安寧雲拖雨邑村林僻風送松聲院宇清記取事功惟梗槩聊將拙句強題名

次任實東軒韻

一軒松竹愜幽情况復春來景物清桑柘千林村掩翳田疇萬頃野縱橫寒泉漏洩池邊入細草侵凌階

面生來往悠悠無箇事謾教郵吏報先聲

奉贈申判書泛翁

昔余丁憂在廬夢見公坐機織錦今思之即經綸之兆也

乾旋坤轉疾雷轟獨幹樞機入帝閣萬古功名垂宇宙千年際會得風雲蕭曹偉績難居右班馬雄文自不羣付與經綸天繾綣故人佳夢早繽紛

次高山東軒韻

可是湖南路清秋五馬遊雲隨風屢變川與歲同流谷狹天疑一作小花繁地不幽每憑詩遣興題罷暫

時留

次礪山洗心亭韻

一身南北任萍浮百歲光陰與水流客裏情懷春後重世間人事老來稠階花委曲知開笑野鳥輕佻好嗅愁休道榮華乘五馬周年持節雪渾頭

次龍安東軒韻

監司攬轡日明宰下車初偏勸卯時酒仍兼丙穴魚暖香花自在寒色竹惟餘客裏多詩癖瓊琚愧不如

送寄前首領許直講

從恒

全羅地圖因書圖上

千里湖南地移來几案前分明指點見猶是舊山川次興陽東軒韻

此行贏得宦遊情景物偏多海上城暝憂舟帆殘照

影喧卑鼓角戍樓聲松風夜半入簾僻山氣朝來徹
骨清卽欲題詩還閣筆詩成淡愧忝儒名

次南原廣寒樓韻

方丈山前百丈樓丹梯高架碧山頭樹連平野烟光
合雲捲遙岑雨色收臨水却疑天上坐倚風還似月
中遊人間自有清虛府何用區區物外求

次雲峯東軒韻

神功聖德格蒼空一御戎衣塞霧通免却百年攻戰
裏轉爲千載笑談中雲濛不斷四時雨谷險長吹萬
壑風沒世難忘思作頌才疎濡筆面先紅

次長水東軒韻

前宰崔公宗復以事見謫所著
板上詩語有不平意於崔公
宿有交分豈無其情事出公道難
以情私故次詩韻聊欲慰解云耳

昭昭頭上彼蒼低敢狃人情黜陟迷誠共衆星常拱
北心同流水不回西習池雲盡誰遊賞彭澤風高已
颯淒枳棘由來非所止豈無林樹一枝栖

次鎮安東軒韻

客中長夜徬秋涼曉起添衣夏靚粧旅鴈哀聲不須
聽男兒到處是吾鄉

奉賀首領官以原從功臣加階陞經歷

門闕三韓積德多勛名寵秩一時加雙鞭馬後垂雲

黑大帶腰間耀日華圖報 聖恩知有處祗輸忠義
夏無他同僚交契情非淺奉賀如今喜若何

次金堤稼亭壯元坊韻

至今有
小堂在

壯元坊裏壯元行古木蕭森陰小楹雲漢分章光日
射山川毓秀氣秋橫爭能學海文龍敵戰藝詞林角
虎精長揖餘風千載下高吟獨立一書生

次益山樓韻

郡本金馬郡

兔走鳥飛西復東中間二氣自流通石龍皎皎何秋
月金馬蕭蕭此夜風三里孤城依地險百層高塔聳
天空可憐枉費蒼生力爾後難看一寸功

次益山東軒韻

丙子六月
是
一本作有

虞時二女竹秦日大夫松縱是哀榮異寧為冷熱容

奉次安二相

止
贈寄詩韻

宦路浮雲任西東驅馳役役成何功功名謾負少年
時隨他陸陸風塵中拙技不真黔之驢禍福焉知塞
馬翁 聖主用人不求備分符重寄及微躬即今已
無狐狸跡澄清敢企古人風不才濫叨門桃李多慚
謬知面先紅人生於三事如一我聞尊命寧無從箇
中細事在南平南平歸去應傳通

偶吟

去歲芳尊此一開
今春玉節又重來
年年為客身何定
笑殺山雲往復回

奉寄平安監司金連枝公年前為全羅監司生
於時奉使來遊

湖南猶是舊山川
自覺風情減少年
棠茇即今餘雨露
封書西望意悠然

次韻

多少樓臺五十州
行行到處便由由
一身南北萍無定
百歲光陰水共流
豪氣尚隨時興發
風情何似昔年遊
生平驅使惟詩酒
况是雲烟接素秋

贈別濟州牧使

如今四海政波閒
風送蘭舟也未難
醉裏論心帶方郡
望中如髮漢羅山
處身當正事當謹
御史欲嚴民欲安
臨別贈言情更重
君乎慎莫偶然看

恩津偶題

予於丙子七月晦以全羅監司見代時連月雨霖川漲路阻留此經旬主

人誠意厚慰因有所感題詩以贈之

陰天愁思共夢夢
數月逡巡咫尺中
大雨翻盆連晝夜
平原成海阻西東
客行慣識羊腸路
世態頻經馬耳風
珍重使君真長者
好將誠懇慰衰翁

贈送兩天使還京師

丁丑五月初三日翰林陳鑑太常博士高閏奉天順

皇帝復登極詔書來越十五日回
還上命朝中文臣詩以贈送之

天詔溫諄降海濱臣民蹈舞拜絲綸乾坤旋轉兩儀
定雨露生成四海均山岳精鍾宐瑞世龍蛇筆妙早
傳神君歸努力承明主翰苑誰爲第一人

丹鳳含書出九重絲綸密勿 睿恩隆乾坤再造新
天下日月重光照海東從古王庭多官士如今使節
見明公囊中剩得詩千首歸去三韓在眼中

次扶餘東軒稼亭韻

見輿地勝覽

余於扶餘古事粗嘗獵史而恨不得身歷目賞
者久矣幸於戊寅春因事道過索主人一小船

與壺酒泛江遡流艤釣龍臺下感古興懷謹次

稼亭詩韻

峨峨列岫衮衮河中有閩閩萬餘家此是扶餘之古
國訪古于今感慨多東明開國問何日一朝墮在人
網羅爭奢競竒何足誇正是弱草紛朝華當時萬事
已烟滅紅顏媚色留巖花携壺拔楫少夷猶欲賦詞
拙如伏駝鳥乎千載無限思無限思中一狂歌釣龍
落花名獨在千頃萬頃琉璃波

送李經歷

尹仁任之

按全羅

稜稜壯節氣秋橫一路湖南五馬輕會看召棠詩剪

伐早聞滂轡志澄清傷心芳草相離地亂眼濃花去
客程好向樓臺須細見壁間應有故人名

宿波沙堡

己卯四月初六日越江

男兒到處是吾家藉草爲栖亦是華秣馬明朝歸萬
里嗅人頻問夜如何

途中口呼

初七日

茫茫大野草芊芊北望江南萬里天 聖代卽今家
四海來遊不識異山川

八渡河

初八日

山重萬疊水千回問幾征人此往一作往復來一渡且艱

猶八渡如吾敢道濟川才

到遼陽城

十日到遼東留三日發向北京

幾經回水復重山路出遼陽始解顏東俗習鄉言語
細北人知禮酒杯寬長城雲歛驚塵息大樹風高戍
卒閒正值八荒同軌日來遊萬里不知艱

右

長城萬里鎮縱橫唇齒相依細柳營已使貔貅作屏
翰肯令豺虎瞰門庭雲收漫有旌旗影風靜稀聞鼓
角聲守在四夷嘉語在此身何幸見 皇明

過閭陽見無閭山

依稀百里見茫然忽到閩陽在眼前影入幕南青未
了根連遼左大無邊最知山麓盤於地會上峯頭近
却天且問此間程幾許強鞭羸馬更踰躔

過漁陽

四月二十九日

開元天子撫亨嘉百二山河作帝家誰使女戎蔽社
席竟教狼子弄干戈漁陽鼙鼓驚雷振蜀道旌旗帶
月華莫注金鈴添遠恨耳聞無似羽衣一作回首
秦中塵漠

漢梨園無
復羽衣詞

次安岳東軒韻

遣興時憑酒禁愁獨倚樓光陰同水逝身世共萍浮

跨馬今三月開顏此一州況今花似海多我及春遊
今年春色似前年世事都非十載前踈懶久拚人共
棄且將詩酒自陶然

右

月嶽山前大野平一區清景一荒城送迎郵吏應嗔
我日日徒然役役行

題遂安新亭

凌晨黃邑整行裝弭節新亭已夕陽天闕展屏雲一
片石門張蓋樹千章濛濛宿霧琴書潤細細輕風枕
簟涼况復花紅燃四座先判拚通尊酒賞春光

記途中所詠

關西地僻尚春寒跨馬悠悠強自寬俯瞰鶴巢緣木
杪仰攀風磴出雲端生平不學窮途哭此去焉知行
路難直望層霄曾一企勿云千里隔長安

遂安東軒韻

雨過桑麻野風侵薜荔墻身如匏蔓繫愁與柳絲長
舉酒邀明月披襟納晚涼倘尋弧矢志到處是家鄉

谷山樓韻

一泉自霧山源源
流入樓前小塘

漏洩寒泉入小塘涵雲走玉發源長日斜踈影涓涓
淨春去殘花細細香俯視八荒空遠大定知三伏轉

淒涼倚樓却憶秦公子賦罷新詩莫斷腸

右

丹梯朱栱白雲中暫凭危欄眼界通千澗交流石灘
合數峯高並霧山同喧卑鳥噪杉松老間寂花飛院
宇空為問經營誰是者當時思憶昔時功

東軒韻

祗宜躬率導民淳化俗難隨戶戶陳草上德風皆自
偃物來心鑑照能均庭松可見千年操澗水渾無一
點塵莫謂何知聊放過古今公議在州人

途中偶吟

朝發新溪夕兔山嶺岫道路夏間關寓形無處堪容
膝得意何時可解顏出岵浮雲元不著護巢飛鳥尚
知還我身未識奚爲者百日猶無一日閒

右

紛紛亂眼景追隨觸忤還添感慨時風入桃林紅雨
落烟籠柳岸翠帶垂晚來嬾賞青春早客裏生憎白
日遲詩酒尋常驅使在微軀此外夏何爲

新溪小亭韻

不堪人事苦相牽一上高亭氣浩然十室雲烟蔽小
谷萬山谿壑注前川澄潭百丈深無地幽境千年別

有天祇欲憑詩聊遣興題名肯欲後來傳

兔山東軒韻

紅惜花飛塲青憐雨過林春來誰暖眼客裏轉寒心
地僻人稀少天低日照臨題詩聊遣興肯學白頭吟

牛峯東軒韻

楊花鋪白岸菱葉點青溪俯仰乾坤大昭回日月低
右

臨庭山月小籠樹嶺雪高剩得軒前趣難辭馬上勞

江陰東軒韻

蕭條殘縣邑牢落古江山騁目饒清興憑軒似太閒

龍吟聞水府犬吠認人寰吏隱今如問宜於此往還

偶吟

客裏情懷不自由脩程日日謾悠悠春淡海上花如
海水傍樓前屢結樓正是此身漂一梗還如斯世泛
虛舟生平不慣關西路到處難禁萬古愁

延安聚遠樓韻

地盡關西海翬飛聚遠樓樹陰移過兩簷影落歸舟
月淨龍吟夜風高鴈叫秋此中清興足誰道是遐陬

右

樓臺來自古風物到于今鏡瑩雲開浦籃青雨後岑

寒門茲藉貫暇日故登臨縱有王公賦寧懷感慨心

海州東軒韻

海水兼天碧鄉愁逐日淡青雲籠樹杪白雨過山陰
礙日陽難到牽風冷欲侵憑詩要遣興題罷一高吟

康翎東軒韻

野濶天低地盡頭眼前形勝興憂幽一區清境經千
古十室孤城問幾秋寇昔干戈彌極浦民今烟火遍
長洲憑軒騁目無窮思日暮雲凝水自流

長淵東軒偶題

霧捲烟消海晏清居民按堵水邊城旌旗閒美翻風

影鼓角稀聞戍夜聲憶昔干戈人爛漫于今稻林野
縱橫書生欲記當時事愧殺無才頌 聖明

松禾東軒韻

關西爲客處漢北幾回情地接長江濶天連大野平
晚涼侵几案斜日落軒楹好詠知吾癖題名畏後生

右

卸馬倦行路停驂喜上亭嶺雲看夏遠庭草踏還生
松作門前蓋山爲野外屏開懷有餘興愧我苦營營

豐川望遠樓韻

海上高城城上樓登臨不覺是窮隅景於詩律應難

寫風入丹青未盡圖嫩蘂濃花空媚眼浮雲流水肯
關吾但將尊酒遣幽興直欲持杯倒五湖

殷栗東軒韻

儉勤遺俗邁歧豐耕鑿熙熙俯仰中野外烟波輕帶
雨田間麥浪細搖風軒庭生草人喧息硯匣留塵簿
牒空攬轡悠悠成底事倚欄高詠日西東

過棘城吊古戰場

嵯峨巨鎮鎮江流戰罷場空度幾秋倘使貔貅保唇
齒肯教豺虎犯襟喉雲飛鳥散當時事水色山容滿
眼愁千古壯心銷未盡冷魂寒雨哭啾啾

書懷奉呈鄭敬差宗周

字子文

戀主思家十二辰此生難作遠遊人空磨案上數升
墨飽飲世間三斗塵耿耿寸心明赤日悠悠萬事負
青春欲拈書籍買弓矢認是儒冠誤我身

贈洪義州益生見謫還家

公為唐事時我為
弼善中護故云

壯猷方叔老將軍數載邊城絕塞氛身世西東同泛
梗功名榮辱等浮雲暫從一日心何盡一作直倒千
杯路始分君記春坊時事否至今思憶夢繽紛

課農

日尋田父問田疇自課耕耘作勝遊曾種稻梁猶未

秀欲鉏耒莠又還稠勞筋兀兀終年苦待哺嗷嗷幾
日休但願天公風雨順將書大有續春秋

渡安岳津

來往經由野渡頻艤船篙子待江濱滔滔晝夜朝宗
水役役西東跋涉人最識投鞭言有妄仍知浮笠事
非真濟川才調誠難有正值明時肯問津

訟旱魃

赤帝無慈降祝融朱麾絳幟正當空江河如鼎百川
沸天地為爐萬物烘木落炎風山欲赭塵飛烈日野
流紅會將具罪訴真宰繫爾惡魃投海中

次

洪敬孫

吉甫 虫吟先生

二尺輕身何蘊融橫行無跡在長空炎炎流毒滄
波竭赫赫揚威大地烘酷烈專憑天日熾光輝散
作火雲紅誰能殲殄無遺種長使天恩溢域中

喜雨登樓

庚子五月十八日

旱天逢喜雨乘興上高樓潤物潛蘇槁霑人暗解愁
直須從此日自可占來秋苦乏東坡調名亭我末由

次

吉甫

甘雨霈然下微涼風滿樓霑濡蘇槁麥優渥滌塵
愁民怨無咨夏年登慶有秋神功真莫測燮理有

攸由

贈朴判書

之衢

大石鼎絕句

虛心足容物良質不隨煨自能齊鼎鼐惟冀下益梅

海州首陽山

並序 見輿地勝覽

吾於年前赴京道過永平府有山巍然人謂首
陽山而說夷齊事甚詳不知此山何以復得此
名無乃傳之訛耶稱夷齊曰東夷之人也則隱
于此恐或不誣而以耻食周粟而隱則不欲在
中原之地者亦信矣安知中原之首陽為不誣
而此山之為誣也聊以書此吊古云耳

首陽山在海之邊洪濤晝夜奔流前千山萬山趨拱
揖孤標崒嶽高撐天春復秋兮閱幾許至今此山名
流傳憶昔殷家湯業盡白魚跳浪入周船煌煌黃鉞
牧之野有衆一心惟三千乾維欲墜坤軸轉可憐扣
馬空周旋耿耿孤心懸落日回首毫墟埋寒烟四海
八荒皆周祿周祿寧吾下喉咽聊寄山中山寂寂采
薇一曲風蕭然薇盡曲終人不見水綠山青千萬年

文化東軒韻

聖鷹千載作興遲攀附英雄亦應時龍去雲收曾卧
處鳳飛梧老舊棲枝千尋嶠嶽浮天碧萬古風烟特

地竒欲問仙蹤今寂寂

一作問無處

路迷無

一作何

處得騎

龜

右

自識踈慵事事遲風流減却少年時白雲閒度幽幽
谷黃鳥淡穿裊裊枝芳草夕陽行處好亂山流水望
中竒從今直欲從茲老卜宅何須卜我龜

端午題海州樓

庚寅端午與數子會于海州東樓時方大旱忽
靈雨滂漲喜可知也因思之以謂余於戊寅過
此日于湖南前年于北京今年于此不知又明
年何處也歡甚感至謹書長句呈于座中諸子

客中無處得寬憂獨把深杯強自由幸遇故人仍喜

雨况逢佳節又名區野棠曠日紅如滴溪柳籠烟翠
欲流醉對艾翁頻戲問明年此日倚何樓

書懷奉呈鄭子文

此下黃海監司見代後
以交承不來久未還作

弧矢當年志四方卽今思昔實顛狂寒鴉帶暮投林
樹旅鴈隨陽爲稻梁奈此幻身同泛梗苦於浮世絆
名纏頻頻誤作歸鄉夢夢覺徒然在異鄉

次鄭子文韻

堂堂日月去如流馬上俄驚歲已周臘盡他鄉愁未
盡好將尊酒故遲留

戲次子文韻

異鄉多異態新歲又新愁一笑今雖得三年孰敢留

得趙樾圭書

有僧傳一簡云是故人顏滿紙書無盡開緘墨未乾
淡知誠懇款仍喜氣平安示意卽施了矧茲事不難
書懷

客裏糾紛無限情強顏犇走閱星霜妙齡壯志空題
柱晚節衰容敢請纓正似鷓鴣徒自大欲教鶉鴉莫
先鳴此中尊酒更何事不合明時賦獨醒

次子文韻

悠悠萬事往成塵惟有人愁舊夏新且問百年懽幾

日聊將杯酒送青春

思歸書懷奉呈子文

漂泊關西路踟躕海上州天寒休野騎潮退繫漁舟
身世萍無定光陰水共流百年多幾日太半異鄉愁

次子文韻

迢遞關山臘雪淡難禁千里故鄉心但將詩酒酬佳
興遮莫霜毛兩鬢侵

右

愁淡不覺海之淡心折從今有底心有限百年無限
事紛紛日日苦相侵

次子文韻

杯傳纖手往來輕短髮孤燈映雪明添酒欲謀良夜
醉忘形真箇故人行

奉呈子文

功名辜負少年時攬轡澄清事已遲詩酒生平渾漫
興興來成醉醉來詩

戲次子文韻

漏洩春光欲放梅客程猶自雪皚皚此中多事最多
苦厭聽絃歌又酒杯

僞寓書懷奉呈之衢相國座下

僑寓人來少柴門晝不開新青庭合草舊綠戶封苔
散秩當床局栖塵倒案杯喜聞烏鵲報矯首立徘徊

春日即事奉邀之衢相國

老去傷無興春來轉少情階花含笑發庭草帶愁生
短句吟猶細殘杯飲復醒喜聞求友鳥終日傍林鳴

春雨即事奉呈之衢

最惜年光去堪憐春雨來濛濛和霧過細細逐風回
丹渥花唇吐青濃柳眼開向榮同萬物天道好栽培

春日用李監正

仁金子敬

韻奉簡之衢

霏霏芳草遲遲日閒望悠悠興夏長可是風烟催淑

景好將尊酒惜流光詠歸柳下詩仍細坐趁花前語
亦香有限良辰無限思直須相賞莫商量

次李監正

仁全

韻奉呈之衢

衢時以留都大將守

萬苑花紅日正遲太平風月屬詩詞股肱良相當堯
日帷幄勲臣佐漢時文教方隆猶鍊武治安已極不
忘危奈如迂拙將焉用長醉淵明作我師

右

犇走悠悠鬢已華功名辜負漢蕭何崢嶸戎壘爭詩
壘爛漫春花耀眼花交友老來知暫疑少開懷世上

亦無多即今佳節須行樂莫怪頻頻問酒家

次上黨府院君韓子濬咸吉道都體察使行詩

卷韻

仗劍行將歸朔庭丈夫豪氣倚蒼冥從今瀚海無傳
箭千載勲名照汗青

右

假息曾如幕上巢不圖殘醜稔餘臊賈生五餌誠迂
耳奉別談兵語合高

題上黨府院君押鷗亭詩卷

相國亭子漢之頭流水浮雲事事幽乘興有時如羽

化忘機了處是天遊太山重望歸黃閣滄海閒情付
白鷗借問此中何所趣杳然身世泛虛舟

戲贈左議政申泛翁前日承雨中邀被酒而還
昨有虔齋在廬不出數日

間未奉寒暄即
今相俠何如

久霖當路起波瀾出戶猶如萬里艱倘借高陽濟川
手直鞭羸馬也無難

書泛翁畫栗屏壘泛翁求畫於姜希顏景愚十
紙成雜畫十疊屏又求十友

友詩各畫
一疊

正秋苞栗亂稜稜收拾兒童好爛蒸健脚傳方如有
驗天台仙舫也先乘

封還之衢詩藁

粲若珠璣走玉盤
汪如河海起波瀾
百千披閱誠難
和肉眼昏昏未易看

奉

教製

辛巳春

御製詩

示羣臣

警戒仍

命文臣

功臣

宰樞

臣

臣

臣

臣

臣

和之見
文選

龍飛九五幹洪鈞
整頓乾坤日月新
應世英才競攀
附濟時良相盡經綸
轉移累卵為盤石
捲掃浮雲絕
塞塵謇譔元勳輸
帶礪崢嶸高閣畫
麒麟鹿茸嘉會
君臣宴魚水同歡
天地春寵極當須
心警戒恩隆且
復誨溫諄宸章炳
煥爭河漢聖訓嚴
明動鬼神拭目

疇非深刻骨服膺
皆已佩書紳垂休
萬代寧慙失儷
美三墳永率循瞻
仰昊穹空稽首此
身何幸際昌辰

挽朴三宰仲孫

有美人如玉英材
挺世生益梅久弘
化帶礪早叅盟
詩酒無儒雅朝廷
失老成積陰收不
盡留與子孫榮

圍碁

幸是公餘暫得閒
却思碁局足交懽
機心萬變須臾
裏險路千回尺寸
間危似楚兵臨漢
塹急如齊客度
秦關直須快決雌
雄耳枉過高軒拭
目看

送徐剛中兄弟榮親還鄉

徐卿二子己才名一武一文夏老成去向萱堂開慶
席萊衣交映錦衣明

玉堂學士老文章南國暉暉晝錦堂君寵母恩今已
報夏將忠孝佐明王

水原新樓

八月十八日
以下諸道體察使時作

曾聞山簡好遊池今見新池起我思風颭芙蓉香遠
播烟籠楊柳翠低垂幽懷不負繁華地壯志何孤老
大時處處樓臺淹日月秋來肯學宋生悲

忠州東軒韻

二十一日

江空野淨淡烟橫赤葉黃花背日明無分多時辭管
子有緣何處却蘭生一年星月途中過千里關山眼
底平陡覺風流秋十倍題詩吟詠寂多情

忠州樓韻

二十二日

巡遊八道訪名區眼底關山列座隅快若揚州乘鶴
意茫如北海化鵬圖莫將詩律三紅道須信功名五
白呼縱我踈慵非利器肯令前路有荒蕪

陰城東軒韻

二十三日

丹心歸漢北清興付江東仰見延城句還慚與我同
清州東軒韻

二十四日

萬里秋光早煩郵役役行心俱流水急身與片雲輕

文墨知無分杯尊獨有情豈吾難浪跡淡愧負虛名

又東軒韻 二十五日

清風皓月報秋光處處籬邊菊有芳花發嬌嬌分左
右尊開漱澀正中央信他留客三年久忘却歸程萬
里長祗坐風流情興耳不緣才子費文章

公州東軒韻 二十八日

三百六旬爲一年不醒長醉是真賢眼前無碍三千
界寵極同歸尺五天故友逢塲盡萍水平生行跡摠
桑田州人手額應還笑狂態至今無減焉

詠楓葉 二十九日

楓林霜重赤燒空誰遣良工點注紅白帝應嫌秋太
素擬他桃李爛春風

洪州東軒韻 九月初一日

客中高興屬秋天爲賞清光一粲然宋玉雄風吾未
信樊川豪氣孰先傳尊邊雲雨猶今古路上關山忽
後前讀罷雙梅題絕句題詩祗欲繼先賢

右

閱古名賢常尚友延城何讓古人賢蓋梅已到三公
後尊酒相逢六載前任是詩章隨板落賸教勲業上
鍾傳春風此地重遊日想得當時氣浩然

右議政朴
延城有州

官撤去前作之語可
刺笑也故於詩及之

途中詠懷奉寄金敬甫禮兼簡魚萬從瞻洪吉

甫敬洞中初六日

客中誰與共論懷別後鄉書又不來密網定隨幽澗
入溪尊應向碧松開唐城對局迷無悟漁父吟詩醉
未回還節幾時相一笑洞中迎席倒心杯

古阜民樂亭重陽日戲簡座中諸友

風物淒淒攪我思祇憑文字報心知無邊雲雨踈還
密不盡江山去復隨寒菊上頭嫌雪早煖杯吹面擬
春遲年年客路逢佳節為把茱萸問後期

途中即事初十日

離離禾黍滿田原行見人人負日暄堤石罅間寒蟹
過野烟淡處暮鴉喧戴盆斲子投鄰女鳴笛娛人報
社村自幸此身生盛際遨遊一世謝乾坤

靈光東軒韻十二日

新城移設海之邊此地經營問幾年踈雨淡烟諸島
外落霞孤鶩一軒前曩時行跡今如掃此日重遊後
孰傳強把濡毫書數句祇題名字不為賢

羅州東軒碧梧桐詩韻十四日

君不見當爨爛焦桐得蔡收拾傳玲瓏又不見寒梧

立庭空得玉酬沽
掀清風物固隨時
仍遇人得遇所向
皆清新最知一物
離風塵放浪世間
恢天真瑤珂玉節
遍八區眼前豁若
披荒蕪自信此幸
古亦無矧云身世
垂東隅縱非桂林
邴生枝得與祥鳳
庭來儀倘非遇時
誰使爲請看三接
侍龍墀聊自長吟
寫我思還愧文瀾
少清漪

長興東軒韻 十七日

情分千里日身逐
萬重山已泛黃花
飲應題一作白雲還

地坼天浮海山回
水抱城共言新宰
相誰識舊書生

順天樓韻

二十日仍名說見下

久拚人世笑竒區
每向江山僂上樓
俯仰兩儀何浩蕩
縱橫八極任樛流
跳丸歲月壺中過
短梗西東水上浮
誤意舊遊猶昨日
笑來今已十回秋

南原東軒韻 二十三日

不知爲易敢知難
愁態爭如此喜顏
每好開尊同北海
肯嫌勢妓上東山
五勞紛擾百年內
萬事犇忙一瞬間
祇許此身黃閣老
耻言盟與白鷗閒

右

十年來往再登樓
昔日黑頭今白頭
吟破雲烟瓊句

得驅成風月錦囊收踈慵不是少時態老大何宜勝
地遊萬事悠悠祇如此且除詩酒更何求

晉州蠹石樓韻 二十七日

嶺南行客屬秋時無數清光入我詩千里遠蹄猶自
逸百年豪氣未曾衰香吹湫澗傳鷓鴣急影轉婆娑舞
步遲芳草晴川堪浩詠落霞孤鶩信前詞雲籠嶺樹
嗔常礙雨過珠簾嬾下垂歷遍名區今幾許始看天
地此中奇

右

川回水抱作清區問孰中間敞是樓俯視蓬瀛低地

在仰見河漢近人流幾回雲雨尊前興盡似漂萍水
上浮半日登臨有餘趣何如乘鶴下揚州

題昌原寒碧樓

三十日府有臺與碑世傳崔致遠舊遊遺迹云見文選

平生不學冷儒酸每上高樓便倚欄山帶烟光入簾
碧溪涵竹影浸人寒還疑鶴背三天近試見鰲頭四
海寬自笑老來狂更甚風情詩興幾時閒

山勢岵堯控海來際天形勝望中開雲飛萬古曾何
限鶴去千年不復回斷岸有臺空皓月殘碑無字祇
蒼苔悠悠往事憑誰問長揖高風醉一杯

密陽嶺南樓韻

十月初二日

未信壺中別有天始看仙境在樓前
漁歌響落蘆洲外樵笛聲回粟藪邊
山腹行雲濃作雨潭心曠日煖
生烟久拚世路欺踈放吟罷詩壇即舞筵

密陽小樓韻

點點峯巒地盡頭水從千澗作江流
不緣尊酒如淮在肯被風情似越留

題路傍松

松為用松明者所割幾倒
初五日

落落清風傲歲寒雪霜千古自蒼顏
貞心忽被剗皆盡認得前身是比干

星州東軒韻

初六日

行盡南方七十州道中俄頃送清秋
三關已脫一作奪心何累四相都消道自修
邂逅皆為萍水會森忙非是稻梁謀
宿聞形勝始今見身世還同物外遊
生平意欲見揚州試過名區髻又秋
人自應時窟亦達物猶關數弊還修
此身早已違鷗約他日難從為鶴謀
驅使即今詩酒耳故尋佳境作清遊

右

百花軒戲題

百花栽了又須加萬紫千紅不是過
傳語花王莫嗔我由來才子善多多

慶州玉笛謠

十一日見上

慶州樓韻

千年勝地物紛華更有樓臺麗彩霞
風月政堪遊秉燭酒杯長好醉爲家
一區山水今猶古百里田疇整復斜
情興又兼詩興逸長吟終日岸烏紗

善山東軒韻

聞說高軒不日成仍知賢宰政修明道
分洛水東西界州隔鰲山彼此情每擬
詩魔離世網好交懼伯破愁城儒冠不
是爲多誤自是書生記姓名

尚州東軒韻

此生無計向雲岑還愧爐中作躍金
頭上天低渾雨

洽髻邊秋早任霜侵
芝歌何處商山遠
龜瑞歡時洛水深
已許一身黃閣老
豈容黃卷謾幽尋

右

端合吾身向碧岑
誤將豪氣比南金
嶺南秋盡關山遠
漢北天高歲月侵
老去風流隨日減
客中情思共雲深
祇成詩癖聊書耳
肯欲題名後復尋

尚州樓韻

嶺南遊罷向關東
還似浮雲漫大空
孤節影隨千里月
短簫聲共萬山風
英雄歷歷古今裏
事業昭昭俯仰中
形勝自慚言不到
高吟猶欲倩詩工

醴泉東軒韻

雲巒霧樹作清陰形勝傳言古與今直以駑能行世
路休將檇散忝詞林風歸謝妓東山峻懼極融尊北
海深乘醉有時詩興逸興來題罷一高吟

題安東新射廳 二十一日

始登新閣似天遊認是南方第一州遠近江山雄地
勢暮朝雲雨亂人眸競穿楊葉誇無敵醉倒金杯爛
不收行盡名區今幾許為耽風景此中留

奉次

金宗直 季昂 畢齋

嶺海年來爛漫遊永嘉池館擅南州管絃聲裏彈

飛矢檠戟行邊縱遠眸酒釀寒威真不力詩圖清
興浩難收流連每到棲鴉夕非為青蛾一笑留

安東東軒韻

遇興慙無白也詩若除尊酒憂何為雲於望眼常嗔
碍花到懼場不厭隨歸去誰同華表鶴斷連須見藕
中絲後來欲見今來跡聊自書名賦一詞

安東映湖樓

水聲山色上樓多雨過斜陽景更加一路高低禪客
院白烟朝暮野人家幸生昭代尋芳草憂向前朝問
落花還似此身生羽翰直看河漢掛星槎

青松東軒韻 二十三日

此是南方最一邊宿聞清景未來前山高認在鰲頭
地樓迥疑遊鶴背天萍水少緣逢必散酒杯多分醉
還憐箇中襟抱憑誰盡問月須如李謫仙

寧海東軒韻 二十五日

忽驚時序屬無陽客裏方知歲月忙川出石門流一
派樹當風磴暗千章滄溟波靜兼天碧蒹草晴曛背
日黃老去情懷拋不得孰能消了此剛腸

登寧海觀魚臺

披霧試攀緣危峯插海堧美紅初浴日涵碧亘浮天

蓬島非塵外咸池在眼前長繩如得掛會見變爲田

平海東軒韻 二十六日

無限長江不盡山悠悠馬上暑仍寒生來慣識揚州
好此去寧知蜀道難憶昔布衣嫌白面任今雲路損
朱顏就中仙境在何處若遇喬松伯仲間

蔚珍東軒 見東文選

高城越絕鎮邊陲直壓滄溟勢最竒逐浪雄風吹海
倒干霄老木倚雲垂思鄉肯作登樓賦把酒聊吟問
月詩邂逅相逢盡萍水欲忙歸去去還遲

途中卽事 見東文選

悠悠馬上送烏蟾忽忽人間換冷炎山腹雲歸橫翠
帶海唇松掩長蒼髯魂驚絕棧一作棧道泥仍滑病怯寒
風雪夏添弧矢當年曾結意百千辛苦也無嫌

海邊卽事 二十七日

白浪青天混不開層水墨雪亂崩頽陽候颶母應相
失各倚長才闕未回

登召公臺 二十八日

始出雲端騁遠眸召公何去此臺留上天下水茫無
極始信乾坤日月浮

望茂陵島

出沒波中一髮微桃林擲火見依稀若爲羽翰生吾
腋待得高風試一飛

三陟竹西樓 二十九日

壁立層巒西一樓炎歸大地自先秋月潭涵影瑠璃
靜秋岸凌波錦繡流香落梅花飛遠恨青浮竹葉送
窮愁此身已許青雲老空把閒情付白鷗

右

自識儒林最下流祗尋雲雨上青樓鳴珂千里窮遐
逋仗節三秋任去留行路孰看隨一鶴綠江惟喜押
雙鷗老來踈放今猶甚豪氣還堪隘九州

宿羽溪縣

江陵付縣距府六十里三十日

朝來海日照窓明
大卧窓前夢忽驚
隨老窮年底成
事却慙郵吏報先聲

行大嶺

在江陵南五十許里

徬海山隱疑地盡
穿雲山嶺見天低
此行可得論夷險
會及長途日未西

江陵東軒韻

初秋持節抵窮年
遍歷雲山出海天
虎嘯晝聞溪樹下
龍騰晴見積湫邊
偷桃事往千林雨
擲火光銷萬竈烟
寄語寒松鍊丹子
何如狂客酒中仙

客中奉別李監司年兄還朝

與君分手已逾期
忽漫相逢是別離
山自周遭猶款款
水多回抱似遲遲
轡頭已遂澄清志
棠下應留剪伐詩
此日朝天君先我
我須隨臆拜龍墀

襄陽洞山驛韻

巡遊八道奉綸音
自幸渾身睿澤深
淡鴛劣久慚行世
路樗材夏得忝儒林
祗憐萍水迷南北
肯惜桑田變古今
最好憑詩長遣興
爲成荒句一高吟

余於丙戌冬以八道體察使巡至襄陽與監司
李尹仁都事朴崇質府使黃允元敬差官閔冲

流江陵判官李貴華從事官李聆鄭錫年同會
寔至日也監司及閔敬差李判官乃余同年而
餘皆故舊也勝地不常良辰可賞而會故人於
勝地之良辰尤不易事也茲不可不識謹步前
韻以及之

夙聞風景未來前忽漫來遊是晚年鷗渚紛飛千點
雪柳溪長鎖萬條烟踈簾翠捲西山兩高閣青浮北
海天勝地良辰逢故舊不知詩思瀉如泉

通川叢石亭韻

十一月初九日

坤靈不秘露竒峯任使遊人興欲濃雪浪翻風堆萬

頃雲岑碍日疊千重波間出沒巖巖石岸上低昂落
落松分得刀圭如不妄能生羽翰會相逢

歛谷東軒韻

十二日

堦前滿叢竹墻外密楂梨月到風櫺好山當酒席空
喜看今鼓舞驚聽昔瘡痍祗要題名字慚無白也詩

安邊東軒韻

數株桑梓在鄉中追憶前遊事已空傳久青氈無古
物寒多白屋祗清風自誇低地恩榮極謾作冲天氣
槩雄敢擬謝家生寶樹勿云王氏有阿戎

吾祖老居此鄉父亦少時隨居之有薄田
弊廬歲內宦侍父來遊經留數旬故云

定平韻奉次高陽政丞見和金中丞孟韻夏呈
金中丞年兄

詩書未學恨戈卷夏荷恩榮下九重直以踈慵多忤
俗羞將放浪強修容鵬程誤許開千里駑力何堪任
萬鍾伴食悠悠身已老此心惟保歲寒松

巡遊八道路無窮千里關山在眼中心共衆星常拱
北身隨流水必歸東露真自愧黔驢技安分須從塞
馬翁磨劔十年曾未試運斤從此見生風

咸興東軒韻

日日閑吟數百篇客中蟣虱已生氈蕭張佐漢難尋

躅李杜鳴唐孰比肩不分兩雲還可愛無情萍水夏
何憐一身好逐關山老此去焉知賦獨賢

遍巡千里到雄州閣筆多時始一抽自倚防身長劔
在欲揮沙漠恣遨遊

歲丙戌冬僕以八道體察使歷他道次至于府
使相具公凝迎迓宴慰備陳雜技其中兩小娥
盤舞投壺他處所不見而亦曾此所無實相公
創意事也噫投壺男子事也似不宜兒女子嬉
戲所爲然舞鼓拋毬等戲亦非禮中事必因戲
以娛賓耳何如此投壺做古人之制進退中禮

有足觀者謹成長句四韻伏呈相國閣下庶幾
傳久不廢云

相公新樂盡奇才一擲爭能賭百杯
歛笑凝眸投鄭重輕裙細步舞盤回
飄如蛺蝶穿花去倏若蜻蜓點水來
自信壺中閒日月為將尊酒好懷開

永興東軒韻

十一月十七日

巡行八道極遨遊觀盡江山歷幾州
弧矢當年曾有志任他羈思白吾頭
二十年前此地遊當時行樂擬揚州
卽今追憶渾如夢世事悠悠一轉頭

歲丙寅先君浴于府地溫泉時生為集賢校理
上持賜暇侍疾留此旬日今來追念寧不愴然

北青東軒韻

地盡形如坼山圍勢自成眼遮雲外暗
心透日邊明播棄非今事登庸及老生
夏圖酬聖澤努力雪中行

安峽縣奉別江原亞使朴先生崇質

毓德名家果有人錦川風骨絕凡塵
飛蹄千里雲程遠磨劔十年霜刃新
聖代正如昭白日長才慎莫負青春
臨分贈語情非淺應到他時識我真

樗軒集卷上

樗軒集卷下

贈送琉球國使僧

丁亥八月日

飛錫從天竺輪琛拜玉墀
間丘遇豐日季札入周時
悟世窮玄語驚人絕妙詞
觀瀾知慧海披霧奉禪枝
傾蓋欣相契歸帆迺孰追
白雲元不著來往亦無期

奉簡金敬甫洪吉甫要與送春

雨餘墻外柳依依風擺殘花
萬點飛九十一日今日
盡更須相賞莫相違

次

吉甫

東君歸去去何依但見風飄
花片飛欲賞春光春

已去也宜詩酒暫無違

奉呈敬甫吉甫

詩魔懼伯兩相交所業能教永日消我亦於斯偏有
分故相携袂作逍遙

次韻叙懷

吉甫

麴生於我有神交每使愁懷蕩滌消可與詩魔携
手去青山綠水路非遙

吾於年前過揚州見紅芍藥爛艷可愛即斲一
根而來種之花塢挈甕而灌之抔土而培之朝
暮望成以至於今則索然枯矣噫傷植雜卉甚

多培養之不如是之勤矣而敷榮暢達百不一
槁何物之精者常不盛而人之所愛重者常易
損也豈物理之然而造物者見猜歟吟成一絕
奉呈敬甫吉甫兩隣丈

名花當日好移栽培養殷勤日百回造物不知何似
者春來不遣一枝開

次

吉甫

紛紛花卉滿園栽白白紅紅相間迴造物猜君偏
愛重不令紅艷一番開

戲簡萬從先生

兩後憑欄要自寬
殘紅暗綠轉摧顏
隣家酒熟須招我
除却千杯送老難

奉簡敬吉萬從先生

謾添蒲酒卧亭中
自笑衰翁對艾翁
夏覺良辰不可負
清吟要與數君同

閑居卽事

雨過閒亭客不來
殘花開落點蒼苔
最憐蝴蝶多情思
飛舞翩翩去却回

奉邀萬從先生

輕衫高枕卧風櫺
時聽啼鶯嗅友聲
爲報隣翁須枉

過莫令伶婦勸郎醒

奉和敬甫先生韻

人世相仍有喜悲
春來無幾又春歸
但尋尊酒常常醉
醉後何論是與非

奉呈伯玉先生

吉甫

送春今日最堪悲
萬紫千紅盡取歸
兼取少年人面去
如泥渾醉豈爲非

洞中卽事伏呈敬甫吉甫

日日糾紛百感來
箇中襟抱向誰開
故從心友尋佳境
豁若春風上玉臺

一頂烏紗雪髻寒平生甘作冷儒酸陶然健倒三杯
後話到伊周伯仲間
尺餘碁局點縱橫勝負難將口舌爭各保胸中千萬
險終然楚漢自分明

次

吉甫

清新詩自謫仙來頃刻心明眼又開秋月春雲多
態度還如神女到陽臺

殘年計拙一身寒到處心思鼻已酸幸與沙鷗曾
有約漁舟一葉綠波間

點點星羅隔岸橫無言相對運謀爭正如楚漢爭

酣戰勝敗看來眼夏明

病中書懷呈敬甫

老來誰暖眼病裏最寒心辟穀堪成道忘言漸作瘖
豈詩爲杜瘦非客亦莊吟可得平安術無能戲五禽

次

吉甫

嗟余逢 聖代白髮已無心但得閒中趣長爲結
舌瘖蜉蝣惟痛飲歲月祗閑吟送老林泉下逍遙
伴野禽

題上黨政丞詩卷

巳丑八月日

浪跡江湖起較遲應將降任屈於斯豈宜鸞鳳終棲

棘肯使蛟龍久卧池杖策從容扶日轂運籌開濟補
天維商家鼎鼐益梅相漢室山河帶礪時青簡昭然
傳盛業碧紗何必問前詩由來至德不遺舊自信叨
承管鮑知

贈送泛翁奉使日本

方今千載應河清堂堂聖朝開文明梯山航海無不
庭懷綏遠通咸推誠矧是日本扶桑域樂天之仁何
其宏間問相好歲不絕星使連連自古行雖然專對
才難得而難其人事非輕所以朝家重其任卒然高
選在先生從此睿眷方繾綣聲名赫赫士林傾桑弧

壯志今可遂男兒事業斯爲榮一試盤根分利器知
君此行垂英名且問九州多風景繫纜幾處折杜蘅
遇興題詠詩萬卷歸來囊帙滿瑤瓊歸歟歸歟莫
緩一葦孤帆萬里平海不揚波今已久何憂巨浪與
長鯨嗟余磨驢常踏跡不是碌碌卽硜硜正似閨中
兒女耳四方之志竟何成今日送君多感慨交首相
別難爲情

送日本僧

日本國在扶桑域天涯地角杳無極掛帆西來問幾
程鯨濤颶浪難可測煩師飄然奉使來恠底桑門猶

奉國由來韻釋來續紛知師專對才尤特餘事詩文
各臻工却是禪林爲巨擘下館俄然又促歸擔心不
欲桑下宿就問師來何所聞又問師去何所得方今
聖主開太平禮樂典章明煥赫厚往薄來盡懷綏漸
被西東及重譯師乎歸去達其方懷我好音永無忒

送金翰林同年呈辭侍養

發發秋風起超超白雲飛之子有遐想無奈感於斯
孤親倚閭久久矣心常思事親日苦短孝子寧遲遲
飄然還笏去弊屣棄無疑士林多少子誰不爲嗟咨
求忠與求孝如君又復誰昨焉布衣士高折桂林枝

翻然錦衣去道路爭風馳遙想舞彩日喜色浮彤闈
歸歟歸莫緩歸羈不可維來期問何日玉音慎莫踈
嗟我同年客臨別寧無辭定省如有暇一詠幸一披

題畫屏

愷之去矣王維無上人何處得此圖莫是長房傳秘
術短屏咫尺移坤隅蒼巒絕壁壓萬丈斷隴連岡散
重湖風雨忽作山夢夢萬壑怒瀉垂白虹鞭驢疾驅
者誰子凌兢鈍驢隨髻僮行橋趙趙臨泓渚所畏迷
風而失脚憶昨壯時癡且狂馳走嶮巖以爲樂老來
傷心波浪阻何意畫中慰幽寂

哭曹判事

宦路功名著平生德業醇採蓮潘步逸攀桂郢斤新
栢府凝霜曉棠林帶露春明刑臯與儷典禮伯爲倫
玉樹栽初秀黃梁事已塵雖云稀世壽誰不爲傷神

題盧宣城孝思亭次諸公韻

三聖山陽斷隴頭宣城傳世作真休淡根喬木慘慘
立遠派長江衮衮流感應馴鳥天不昧呵禁觸鹿地
還幽歲時伏臘精禋後肯厭鷓多綠蟻浮

閒居書懷奉呈洞中諸先生

蕭灑孤亭壓小池問誰高卧是希夷雜花無數斯爲

盛清景難酬甚矣衰迷兩嬌鶯穿柳細禁風弱燕入
簷遲笑來萬事終何有絆世榮枯實大癡

次

吉甫

宛似山公遊習池乾坤此日正清夷眼青已足供
談笑頭白何須歎朽衰萬紫千紅花灼灼層陰疊
翠栢遲遲浮生若夢爲懽幾何用醒吟斷飲癡

哭寧城府院君

崔恒

擢登金榜侍龍顏一代斯文仰泰山麟閣畫圖勲業
重鳳池寅亮笑談閑齊驅李杜詩壇上共泳班揚學
海間天上玉樓成幾日人間丹旆夕陽殘

無題

混混無停是百川何須臨老惜流年自多浪跡乾坤裏
還怪涵身雨露邊大地皚皚渾積雪窮閭寂寂淡寒烟
祇將新酒迎春日不合明時賦獨賢

送慶尚道監司尹贊成

南州霧列總雄藩按撫元須位望尊已注商霖甦曠
槁還尋召芟布春暄職兼中外憂民計身重有無從
古論暫輟巖廊天意在臨分不用夏銷魂

題安領樞詩卷用諸公韻

河清盛代應千年熙皞缺平是葛天老老仁推朝有

老賢賢德洽野無賢股肱遇禹歌元首舟楫逢殷濟
巨川際會風雲真罕古恩榮偏重舊儒仙

題驪州

世事糾紛日萬端此生何處得怡顏雨餘江漲疑無
地雲盡林開忽有山蕩漾漁舟過檻外冲瀨水影動
簾間偶來佳境須遊賞肯用浮名不自閒

十一月十四日有感作呈李清甫

壘

上山謀計自相違籍籍行言是與非每擬麻蓬同庇
蔭還慚玉石異妍媸磨針後日成功大鑄硯今朝見
效遲何事吾生逢盛際詞林學海苦犇馳

立和李錫類韻

吹竽久濫費光陰豈意如今別恨深
鸞鳳軒翔看逸手珠璣咳唾聽高音
龍猪已識飛騰異玉石寧無切琢心
寄語吾君休邁邁鍊砂他日見黃金

山中代清甫戲作

初來題柱學相如不意年年乃客居
縱愛祇林閒歲月那堪萱草倚門闥
雪消山下溪聲急雲過峯頭樹影疎
幾日鍊丹歸鳳闕飄然羽化奉鸞輿

放雀

有僮弄雀其鳴甚哀余悲之取而放之因有感一詠呈仲章

黑白斑斕彩羽鮮弱毛纖質正堪憐
嚶嚶鼓翅花林

下啄啄成羣雨草邊數粒香梁求易足
一竿踈網掛何先殷勤放汝寧無意慎勿飛來近石韞

次清甫韻

藏魚洞裏絕纖塵中有閒閒物外人
莫用紛紛紜雲兩手能為孤絕鳳凰身
縱橫禮樂胸中瀉黼黻文章筆下新
堪笑韓山烟雨意其於何暇岸綸巾

山中

山室虛明世事稀祗將黃卷作心知
俗來俗去忘迎送花謝花開懶喜悲
幽鳥倚簷興客詠清流映壁洗塵思
朝朝暮暮渾無事時與閑僧講是非

早春和三體詩韻呈仲章

河緯地字

僧窓閨寂梵音斷飽聽階前激石湍無事白雲歸碧
岫多情黃鳥語朱闌庭中草色微微見野外春光細
細看爲報閑遊同舍客誰將清興入詩壇

寓藏魚寺偶吟

自戀藏魚景物多長安歸路亦非賒雪消溪畔溪聲
急日轉松林松影斜列岫高低真活畫淡烟明滅是
人家年年此地今猶古獨喜吾遊鬢未華

山中偶吟

自多吾也賞良時眼底森羅景物奇山雪已消庭草

綠溪雲初起野烟馳倚林幽鳥喧春早對榻閒僧覺
日遲世上寧知真與僞泥濘宦路日孜孜

與仲章夜話

挑燈兀坐耿無眠窓外松風自颯然高論有時談世
外新詩聊與詠燈前知心遇處真爲友忘事閒人卽
是仙莫恨伊人今未到二人交契斷金傳

早起雨晴書懷

朝來景物十分清遠近晴光入眼明雲過嶺頭山數
點水繞庭畔草千莖烟拖野色添春色風送松聲作
雨聲多笑孔門鏘舍瑟何須沂上詠幽情

夜中戲次仲章戲贈

夜寂人稀醉復眠忽聽吾子嘆悠然風情不減紅塵裏
魂夢常馳翠黛前松下尚看花下客山中猶伴酒中仙
未知誰是與誰僞黑犬追豚自古傳

三體詩和白樂天早春韻

雲淡風輕日漸和山南山北聽樵譟嚶嚶求友鳥聲切
裊裊含情柳眼多庭雪已消餘谷雪溪波方急勝潮波
就中情景無人識不有知音可若何

次凌敲臺韻

煌煌丹堊炳昭回勝地千年有此臺水色共流秋色

去山光常帶曉光來寒林密葉昏先入半落欹門晝
不開不識當時知也否古琉璃處滿莓苔

洛陽城韻

金湯數代變爲蒿行役何人道逸勞水色長天俱一
遠山形歸鴈共相高寒鴉帶晚還棲樹狡兔嫌人自
倚壕滿眼悠悠傷往事無緣偷得恨銷桃

次金陵韻

此地應看始與終古人何去是何空白蓮香減翻千
畝玉樹陰踈沒萬宮錦繡塲開花繼侈管絃榭舞蝶
留風悠悠往事烟消盡滿目悽然一望中

寄山人朴仁叟年彭李清甫成謹甫

邇來酬酢幾篇詩春鳥嚶嚶日正遲
三角雲烟依舊鏤九街楊柳至今垂
不才孱質人誰顧多病窮廬藥自宜
我謫山耶山謫我箇中消息總難知

有感

生平役役走西東求孝求忠在此中
十載螢窓游學海三魁金榜變文龍
錦衣街上英聲溢鶴髮堂前喜色濃
肯許高門開一酌便教斑袖舞春風

送沔川郡守宋遙年

為親求郡衆多之自古求忠孝可移肯
惜割鷄客誓

屈行看飛鳥報他時化民當似龔三異
律已無如震四知臨別怱怱何所贈贈君
惟有一聯詩

伏觀

御製賜上黨府院君韓公詩

辭語灑靈氣象廣大與天地同流與日月爭光
其曰功重泰山何不惜晚年猶喜作閒人昔周公功
成而有退休之志曰予其明農哉成王求助而留
之曰明保予冲子公之作亭即周公明農之意而
聖上之作詩正成王作誥之旨千載之下復見
三代盛事不勝欣賀謹賡以獻

宸章雲漢與同流暖若陽春凜素秋許國一身輸鳳
闕忘機何處訪鷗洲周家已詠申生嶽商室曾聞傅
作舟魚水一堂傳古語太平身世更何求
烟花紫禁正青春鷗鳥盟寒未可親圖報 聖恩真
因極儘教江月付騷人

何幸庸材得與盟望秋滿柳亦欣榮欲賡帝舜明良
韻一體君臣萬古情

夢說

何事宣尼嘆甚衰分明佳夢報先知自將往事占來
事須信天翁不我欺

秋霖

秋霖黯黯更連旬蘭謝花摧不耐貧待得東君來判
斷滿階殘卉一亭春

偶吟

綠陰深處岸鳥紗時見兒曹設雀羅贏得貧家饒富
貴滿亭風雨滿池花

蓮

卷葉初披水上乾稜然有刺惡人攀明珠玉斗應難
比只作濂溪意思看

趨陰移席

踈松如蓋不成林半漏陽暉半作陰時向東西隨地
坐幾番移席日西沉

納涼散步

醉後酣眠夢欲成忽驚啼鳥兩三聲清風一陣來何
晚整屐徐行步步輕

玉井澄心

漏洩山根有石泉泓澄萬古自涓涓從來一勺膚生
粟活水寧教活火煎

自古大人君子或未遭遇龍蟄蠖屈世莫知之
譬如良玉未琢人或有不知其貴者焉今花山

西原兩相公當游學之日韜光晦跡當時士大
夫豈知爲今日之元勳碩輔也壁間戲題已隱
然自有今日之期西原韓相公乃於戊寅春歷
巡三道詢訪民瘼仍臨舊遊之地盛德重望赫
赫泚泚山川爲之動色彼寇魏兩公紅袖拂碧
紗籠之事不足爲詫壁間所題恐其湮沒謹板
懸壁因次其韻
當年璞玉在藍田肉眼渾爲坐井天盛事不須誇袖
拂巍巍勲業動山川

記夢

蒼蒼天意渺難知感應昭然自不違已竊虛名常赧
汗夜來佳夢又何爲

致齋有感

終日清齋無箇事曉鷄方報午鷄鳴傍人豈識如今
意滿斛悠悠補國誠

戲贈李御史賀朝天

舉世皆言結交良壯元同契壯元郎莫誇御史朝天
早非是瀛洲隔帝鄉

戲贈李進士年契

與君交契卅載餘同榜同年又同閭蟾桂芳馨應不

遠壯元寧復有種歟

春日早朝獨步園中

清晨獨步後園中李白桃紅各競紅似誤爲問東君兼
造化誰將剪子巧玲瓏

掃雪

曉來飄雪滿庭前處處皚皚布白氈却恨人間俱厭
潔苔筵漫掃未曾憐

奉簡吉甫

盤中細剝白鴉栗池上頻添綠蟻尊多少秋風無限
意不堪清興憶吾君

次

花前雅興詩千首月下清歡酒一尊
斷送百年詩與酒太平都是遇
明君

吉甫

簡敬甫邀吉甫遊東郊

泮宮墻角小城隈
閭寂柴門晝不開
閑事里中驅使
苦吟詩無暇
又深杯

東郊消息問何如
芳草晴川却起予
此意祇憑君共
得就中還恐汝非魚

雨中邀敬甫吉甫同遊

濛濛數日雨翻盆
高卧龍鍾出
門謝屐于今如不

折登山無碍况平原

次

吉甫

滂沱大雨似傾盆
閭巷泥深晝閉門
共喜初晴高
處望際天銀浪漲
郊原

次金子鏗見寄

春日春風冷亦多
閒餘惟好醉為家
平生最苦貧緣
甚移種偏憐富貴花

次

吉甫

園中種植衆芳多
如寵爭妍富貴家
却恨平生無
寸地未能栽得一
株花

戊子仲春有日僕以留都大將入直昌德宮戲
簡萬從吉甫先生

將壇詩壘共崔嵬
羨隣翁數往來
若道碁師吾不讓
尊前祇怕見雄才

次

吉甫

官高安得視嵬嵬
朝夕相尋往復來
閑事觀碁消永日
尊前醉詠見真才

次吉甫乞墨

年來懶拙無交友
相對時時只此君
送却烏卿淡有望
應看筆下落風雲

拙一作碎

奉呈乞墨

吉甫

遊藝昔年從四友
陶泓知白管城君
至今交道無衰歇
只恨烏卿欠吐雲

次吉甫見寄

百歲光陰付一朝
祇將樗散作逍遙
夢夢陰雨供愁思
何幸隣翁款款邀

奉問伯玉敬甫兩候

吉甫

傾盆霖雨夜連朝
咫尺還同萬里遙
洞裏清川連萼戶
何妨濯足一相邀

次子鏗見寄

碧松真作醉翁亭
雨後溪山興更清
杖屨陪遊今已久
相思兩地一般情

哭姜希顏

清標望儼然
和氣一團天
處世常如拙
行身淡若仙
高才三並絕
懿德百無愆
談笑誰爲唱
題詩淚迸泉

夜中有感

壬戌十月初八日

寂寞書齋裏
夏深夜不眠
案前燈影爛
窓外雨聲傳
况若胸襟亂
紛然世事牽
如何空咄咄
揮筆強成篇
贈曹尹兩公時
兩公以讀易歸
藏魚寺余亦受
讀周禮之命棲
於鄰房

僧窓多寂寞
端坐兩先生
讀易勤三絕
觀周習八成
霜蹄應遠步
血指愧虛名
莫恨春光晚
蟾宮桂已香

贈日本僧光軌

孤絕無塵境
蕭然一竺仙
悟空心火熄
傳法佛燈燃
屐遍山中草
帆開海上烟
故鄉梅已發
還舶雪消天

山中早起偶吟

昨夜多風雨
朝來景物清
川回浸水影
山近聽松聲
野外烟光碧
庭前草色明
寄言吾黨子
須識此時情

山中早春卽事

聞寂聲音斷
庭前塔影橫
巖隈餘白雪
籬畔匝青莖

山色來窓僻松聲入夢清不知雲路上寧識此時情
有感

人心多變易世事好蹉跎二者終今古怱怱自若何
次子鏗韻

未能追濟北惟欲倚孤南處處黃金菊何時共一談
庚辰秋 巡狩時爲黃海監司作

於皇我 聖明倣古巡四岳時邁徂東郊牲牲有麋
鹿湯羅非欲多獲猶十九八所以鍊厥武六師誠業
業庶幾無疾病億年享此樂

卽事

流水浮雲兩不關江山亦不在塵寰今來古往人無
數幾箇閑人得此閒

卽事

撚鬚頓覺桑榆晚入室難堪桂玉愁天意惱人人不
管自將尊酒自休休

清澗濯熱

數株松下一丘平混混長流石澗清却恐塵蹤除未
盡時能濯熱濯吾纓

無題

客館東軒對碧山隔林僧舍白雲間晚來踈影簷前

落蕭洒孤窓帶月寒

又

軒清景勝高樓三伏猶疑是九秋莫謂匆匆忙去
使先於尊酒此遲留

又

山光晻霏映清湖水也山耶而有無詩律此時吟可
好丹青斯景盡難圖擬尋巨釣追龍伯且到幽棲問
鳳雛顧我一身非浪跡聊將杯酒暫娛娛

春日遊山

風清雲淡日昭昭散策彷徨景物饒一派清川流萬

古數株殘樹出重霄隨陽細細尖芽利倚足疑閒閒
小雀驕賦罷新詩還獨步此中清興自陶陶

日午待清甫謹甫兩友

日當高午客窓明欹枕閑眠夢忽驚開戶寂然人不
到喜聞林下鳥嚶嚶

樓題

浮麓聳出接中天俯看平沙白似氈雲淡雲濃山萬
古風來風靜水千年行人朝暮如砥路農事春秋數
頃田上相閒時暫弛節當時光彩耀樓前

記夢

薦我呼名是異人
俄然側席禮逡巡
若爲借得經綸
手手下無勞聖澤均

次祁大人成均詩韻

皇華當代是文雄
共把清光景仰同
已許論詩情似
舊不須煩譯意
先通天低一札
絲綸下春暖三韓
雨露中禮樂典章
元有自東漸聲教
永欽崇
愧將樗散忝司徒
喜拜高軒欲繫駒
浩瀚文章是餘
事從容道德合明
儒發揮先聖淵源
趣開示愚生耳
目塗萬里行裝惟
一鶴清風亦足起
廉夫

次金郊驛樓張給事韻

危樓百尺獨登攀
縱目浮雲掩靄間
迥野烟光天際
薄長堤草色雨餘
閑跳丸荏苒催寒
暑周道透遲倦
往還回望帝鄉
千萬里可堪吟罷
憶朝班

咸興間韶樓記

自鐵嶺以北延袤千餘里表以巨海重以大山雄藩
名鎮鱗錯碁布而咸獨當其衝而中處焉山川清淑
之氣磅礴扶輿實基我國家億萬世無窮之業
先王潛邸陵寢俱在焉人物之繁夥也城邑之宏壯
也海錯桑麻之富贍也亦宜最一方而擅東北之美
也然此道壤隣野人俗叅狂獠凡控制之方綏撫之

策摠于監司自非有宿德重望者疇克當之是以國家於注擬監司視諸道尤重必慎簡大臣而兼尹于茲歲丁卯醴泉權公孟孫以刑曹判書特膺是命既視事政修弊祛人用大和府之客館北舊有樓歲久頽圯公詢諸羣吏曰爾府爲興王舊地一道之望而凡應接賓旅館宇湫隘儀觀未稱盍撤舊而新之吏咸喜躍不閱月而工訖樓凡三間翼以簷牙軒楹敞豁面勢得宜一州之勝於是焉具戊辰秋予以榮親謁告而歸權公命予曰 上以感爲 祖宗肇基之地特賜龍飛新樂府之榮極矣而樂之來適值樓成

之日亦不爲斯樓之幸歟樓旣成樂又至子又適至可不志其顛末以示後人子歸爲我求額而文之僕還乃請於安平大君則書聞韶樓三大字並詩以歸之蓋侈其賜樂之寵也予惟韶舜樂也孔子嘗謂之盡美矣又盡善也在齊而聞不知肉味者至於三月爲其情文之備且盛也今龍飛之作推本 祖宗積累之德以成一代禮樂之美雖舜韶揖讓繼紹之實亦不得而專美也是空形於詞詠播之管絃用之朝廟用之於鄉國也况豐沛之地人民父老及見 先王肇造之跡溪被 先王仁厚之澤其聞詞詠之詞

而懼欣感慕者爲何如也嗚呼樓之作不於昔而於今新樂之降不先後於樓而於此時豈非天貴斯樓托之嘉名以傳於不朽也哉乃登斯樓乃張斯樂宮角相宣金石相和咽九奏於鈞天播五絃之南風斯樓之勝蓋於是乎益勝矣第予文拙不能盡鋪張盛美以副侯之望是愧焉正統十四年己巳仲夏有日

金化新館記

館宇解舍於治道無與焉然政之得失民之休戚或於是乎可攷焉蓋政舉化行則吏安其職民樂其生雖不事斯而自不能已政苛賦重則吏困於官民咨

於野雖欲事斯而未由也已金之爲縣自高句麗爲扶如郡後隸新羅號爲富平迨高麗顯宗代始稱金化而我朝因之縣之來久矣古館不知構於何代歲久頽圯地且湫隘爲守者每欲起廢而力未暇及歲甲子黃侯永來莅于茲政修弊祛吏畏民安治化大成則屬父老羣吏而謀之曰爾邑在路傍道于嶺東北者皆由此出寶旅旁午而公館隘陋實爾輩之耻也予欲新之恐煩而民力倘有能體吾意出己力而就者吾當永復爾子孫徭役有前縣監張廉欣然進曰吾家世居于茲吾父江陵府使思俊嘗納臧獲

於官至今爲公家役吾父爲公家心至矣吾夙夜未
繼先人之志是懼况明府有命敢不承乎於是乃自
伐木陶瓦鳩工庇事卜地于舊館之北自戊辰七月
始事至今年十月而斷手厥勢面陽厥度得宜廳堂
廊廡莫不備具丹雘旣訖以間計者凡十六華不過
侈儉不至陋甚可美也昔之善役民者言其易使曰
子來言其易成曰不日然此官役其民而民乃樂成
其事耳今黃侯不役民力而人自竭其力官得其成
而人且得其利焉尤有可稱者矣烏乎自高句麗至
于今宰於是邑者幾許至黃侯而乃成民於是邑者

幾許賴張君而得就豈非物之興廢自有數人之遭
遇亦自有其期乎予於戊辰冬謁告歸鶴城來憇于
斯得聞顛末今黃侯又走書於予而求記辭不獲聊
志其梗槩云正統己巳十月下泮

公州新館記

今 上卽位之三年春正月頒 恩中外予奉旨往
全羅道過于州館於斯館敞豁鮮麗殊非舊作也已
而牧暨通判謂予曰文貞公孟議政牧斯州始創館
宇歲久圯陔州人欲新之者久矣吾儕俱以不才幸
守斯州踵前賢之位不能踵其政是可恥也而館宇

且不能踵而修之坐待廢毀寧不愧於心况州在路
傍賓客劬午視他州爲劇館宇之修廢尤不得不致
意焉於是謀於州人取材于山陶瓦于野撤舊而擴
之以間計者凡八翼以簷始癸酉十月迄今正月而
斷手役之者曰髡之不業吏之當罰者也今館成而
子適至記於子囑焉幸無辭以書子目覩以廣夫斯
役也在於不獲已焉而非好事且絲毫不煩民也予
惟創物非易事也而守而勿隳尤難役民非美事也
而使之以道則善今聞兩侯之言於斯二者盡之矣
文貞之理斯州也政清訟簡民安吏畏經營館宇大

有興作而民不知至于今州人稱之不置今言曰欲
文貞之志是繼而爲此舉也文貞之館宇信能繼而
新之矣興功作事弊不及民是亦文貞之功而已奚
獨於館宇一事言之也繼其事又能繼其理可謂善
繼文貞者矣噫文貞之作斯館今幾年也至今日而
新之不知來者復有如今日趾羨踵善使功之未完
事之未已者卒能成之耶後之觀者或有感於斯焉
牧伯李公諱純全通判全侯諱季欽牧伯與予有姻
好故不敢辭強爲之言景泰五年甲戌春

拱北亭記

全在湖南爲巨州觀察者必兼尹于茲州之北二里許道周舊有亭數間以迎送王人之往來歲久不葺幾於頽圯觀者恨之歲壬申春北原金公連枝觀察是道凡所廢墜靡不修舉而亭於是乎乃葺制作雖舊而規模則新公乃扁之曰拱北蓋取夫北辰居所衆星拱北之義也越甲戌春上頒恩中外僕賚教布于南方公迎迓斯亭因謂僕曰子知夫吾扁斯亭之義乎吾之滯跡南方三年于茲戀闕之心未嘗頃刻而忘每接王人若天顏之咫尺况子世有交分今又啣命而來知吾意莫吾子幸記吾意莫辭也予

惟臣之於君忠焉而已愛君之誠自不能已其曰進思盡忠退思補過則是進退罔非愛君之地其曰夙興夜寐以事一人則是夙夜莫非愛君之時以至獻芹曝背亦罔非愛君之誠也則臣於君果何時何地而忘于懷也書曰爾身在外乃心罔不在王室則愛君之心尤當切於在外之日公之言信不誣矣烏乎後之人觀吾公扁亭之義而不知謂吾公何如知吾公之所主者忠焉而已則亦豈無興起於斯者乎是爲記景泰五年六月日

安東新射廳記

體察使時作

今上卽位之十三年僕以諸道體察使巡歷京畿忠清全羅次至于道道之形勝視他道最焉而州於道之雄藩亦不在甲乙之下矣下館翌日府使暨通判請曰府爲主鎮閱武黠兵不可無所故於南門內築塹爲基構成一館中架二楹翼以左右地爽簷虛似便射事以爲射廳始自前月月初斷手廳始成而子又適至幸記梗槩莫辭也余惟玩賞風景好爲樓臺者多矣何吾子之不然而獨留心於射乎射者男子之事也故云可以觀德行昔孔子射於矍相之圃觀者如堵墻亦曰君子無所爭必也射乎揖讓而升

下而飲其爭也君子射於事若是其重也子之所取無乃在是歟揖耦相讓以節其儀禮於是立矣取鬴立飲以明其罰義於是行矣禮旣立焉義旣行焉雖天下國家亦不出此焉况一邑乎想夫鈴軒日永訟庭人稀掇案而下軒設尊而張帙優哉游哉亦足以見其一時之氣像矣記曰張而不弛文武不能也弛而不張文武不爲也一張一弛文武之道也余於吾子亦以此期焉若夫怠其政事徒事弓矢而曰射者男子之事也則非吾與子之所取也府使韓諱致義判官某府使襄節公之仲子也勤於撫民敏於治事

有先公之風焉故樂爲之記蒼龍丙戌孟冬下澣

進大學衍義輯略箋

見文選

伏以因丘陵以爲高功易就於九仞閱方策之所載道可稽於百王肆抽陳編庸徹睿鑑念昔真儒德秀生當趙宋隆朝謂茲大學之篇實是聖人之教推衍其義作爲一書撫史據經詮次詳於本末因事附說議論嚴於勸懲義理因而益明規模得以愈大斯乃經邦之典良由格君之誠臣石亨服膺有年釋卷無日竊意前脩補袞之懇實契微臣獻曝之衷常欲竭其卑懷小贊萬幾之政願未承於清問莫效一得之

愚恭遇 主上殿下聖德日新英猷天啓惟精惟一明堯舜道統之傳丕顯丕承繼文武謨烈之盛克盡緝熙之敬益求齊治之方庶投衍義於講筵少裨遜志之睿學然全文或傷浩穰考閱實難而近事在所傳聞觀鑑尤切故臣與行副司正臣洪敬孫行副護軍臣趙祉行成均館司成臣閔貞等廢食忘倦極意覃思刪西山四十卷之編敢謂遊刃添麗史五百年之事不嫌續貂極知去取之謬加淡懼僭踰之難避不可以愚而廢智道之所存卽師之所存安敢掠美而爲功人之有技若己之有技謹名臣等所撰書曰

大學衍義輯略妄意平生之精力盡在一部之編摩
儻於燕閒特賜乙覽善惡之蹟瞭然可攷惟主善者
爲師治亂之由炳焉足徵要與治而同道臣等撰到
大學衍義輯略二十一卷共成十帙謹具隨箋以聞

大學衍義輯略序

見文選

臣嘗觀真德秀大學衍義一書其論帝王爲學之本
爲治之序善惡之所以分治亂之所自由極盡且備
實出於忠誠懇惻爲人君立萬世之程也臣不佞篤
信此書以爲人主者之所當要覽嘗加講劄以待顧
問久矣茲遇 主上殿下以精一之學加緝熙之功

日三御 經筵繼以夜對好問求道之誠雖三代好
學之君何以加焉獲遂臣志正在今日但書所載經
書之文時方進講不必更賴於此且諸史事跡大爲
詳悉萬幾之暇或難考閱實宜從約第我東方高麗
之事傳聞所及觀覽尤切故臣與行副司正臣洪敬
孫行副護軍臣趙祉行成均館司成臣閔貞不揆鄙
拙忘其僭踰約本書之浩穰者添入麗史之可爲鑑
戒者名曰大學衍義輯略其大槩豈出於德秀之規
範約之非以爲功添之非以爲不足也要取優於觀
覽耳嗚呼德秀衍義之書豈易觀哉宋理宗季世中

主耳德秀之撰進是書也欣然嘉納使之講讀樂善之美有足多者先儒稱理宗黜安石而尊濂洛丕變士習使後世知理學足以復古帝王之治理宗之於是書不能盡用之而其見效如此况以聖明之主當盛治之時深體之而盡用之者乎一玩好必思之曰得無一欲之萌歟一興作必思之曰得無奢侈之漸歟一任用必思小人之或進而君子之或退也一聽納必思讒佞之見售而忠讜之見斥也以至一動一靜一號一令必以是書為準則焉則其有益於聖學而有補於治道可勝言哉德秀以爲大學一書君天

下者之律令格例臣亦以爲衍義一書真帝王治世之規矩準繩也

皇華集序

欽惟 皇明混一區宇三光五嶽之氣渾淪磅礴動盪發越鍾爲人物之秀於是文章道藝之士彬彬輩出翹英振秀以大鳴一代之至治何其盛哉成化紀元十二年冬十有一月 皇帝建儲位詔天下遣戶部郎中祁公某貳以行人張公使于我國兩公氣專而秀言溫而和風儀雅標動合規度而又侈之以詩書六藝之文凡有耳目其聲貌者莫不景慕愛悅

之無已宜其遭遇聖明施諸事業而奉使專對特其餘事耳其於士大夫交際之中道途遊覽之間或卽物寓興或遣情叙懷輒形歌詠鏗鏘炳耀蓋發於胸中之自得者而非風容色澤流連光景者之所敢窺其涯涘也兩公將還 殿下命臣若曰吾東方邈在遐荒世受 皇眷矧今天下大慶特遣詞林鉅儒綸音密勿賚予優蕃實 皇恩之罔極也予旣感帝眷之隆又遇兩使之賢喜可知也兩使遄歸旣不可留其所留詩文膾炙人口者不可不壽其傳宜亟印傳以圖永久遂命臣序之竊惟人材之興於盛世者固

然而詩道之感於人者爲尤甚今兩先生之詩本於性情之至正而能精澁敦厚至於如此 殿下迓勞從容固已悅服其雅致今又覽閱詩篇尤極愛慕豈非詩道之所感者然耶是詩之傳當與原隰咨詢之雅並傳於後世也無疑矣噫盛世之有人材猶元氣之在萬物兩公之出其亦正當 皇明氣化之盛他日躡台階調玉燭盛化流行薰爲太和 皇明大雅之作將於兩君子期焉

仍名說

體察使時作

順天有妓雪中梅者延城朴政丞改名爲待霖梅作說以爲霖取歲旱梅取調羹則非吾意也

實有意焉故余作
仍名說戲之云耳

凡物之取貴於世者皆其有異於尋常者也如春風
桃花艷色可愛也夏雨荷花濃香可玩也然人不之
貴者以其常有而厭見也向使是梅發於春風則冷
色蕭條必不及桃之爛漫也發於夏雨則踈香暗淡
必不及荷之馥郁也及夫冬風冽冽白雪皚皚萬卉
具凋粲然獨開色與雪而鬪潔香隨風而媚清夫然
後知是梅之清風雅操雖芳菊馨蘭不能伯仲於其
間况數桃之妖紅荷之亂香也哉昔高宗之命說曰
作霖曰作梅然必曰大旱作霖雨則是知非大旱不

取乎霖也霖亦不取乎久雨中霖也則梅獨取乎雨
中梅乎桃也荷也亦曾霑相公之霖雨者也在相公
包舍之量必欲一視是梅而均霑之也余獨恐乎浩
蕩風雨或者浸淫於衆卉之中矣故仍是名焉

樗軒集卷下

